

Hapen aplikimet për AKADEMIA E OJF-ve 2021

Akademia e OJF-ve vjen tashmë si një program i konsoliduar, i cili kontribuon në rritjen e kapaciteteve të përfaqësuesve të OJF-ve në nivele ekzekutive dhe manaxheriale mbi çështje të zhvillimit dhe manaxhimit organizativ, qëndrueshmërisë financiare, advokimit për çështje të interesit të përbashkët, forcimit të bashkëpunimit ndërsektorial etj. Prej vitit 2015, 108 përfaqësues të OJF-ve shqiptare, me një shpërndarje të gjerë gjeografike, sektoriale dhe përfaqësimi gjinor, kanë përfituar njohuri dhe aftësi në drejtimin dhe manaxhimin efektiv të organizatave të tyre duke i ardhur në ndihmë grupeve të interesit për të cilat janë krijuar dhe publikut të gjerë.

Akademia e OJF-ve 2021 organizohet nga **Qendra Kombëtare Burimore për Shoqërinë Civile në Shqipëri**, projekt i financuar nga Bashkimi Evropian, zbatuar nga Partnerët Shqipëri për Ndryshim dhe Zhvillim në partneritet me Qendrën Shqiptare për Popullsinë dhe Zhvillimin dhe Lëvizjen Evropiane në Shqipëri, në kuadër të komponentit të rritjes dhe forcimit të kapaciteteve të OSHC-ve në Shqipëri.

Panoramë e Përgjithshme

Organizatave të shoqërisë civile luajnë rol kyç në ndërgjegjësimin dhe edukimin e komunitetit, rritjen e aktivizmit dhe pjesëmarrjes qytetare në politikëbërje, rritjen e transparencës dhe llogaridhënies së qeverisjes vendore e qendrore, si dhe ofrimin e shërbimeve për komunitetet lokale.

Ky rol bëhet akoma më i rëndësishëm në kushtet e zhvillimit të një sërë reformash të rëndësishme që po kalon vendi dhe procesit të anëtarësimit në Bashkimin Evropian. Pavarësisht shtyrjes së hapjes së negociatave për anëtarësimin e Shqipërisë në BE, rekomandimet e vazhdueshme të Komisionit Evropian për anëtarësimin e cilësojnë angazhimin e shoqërisë civile dhe rëndësinë e rolit të saj, në dhënien e kontributit si thelbësor përmes aktivitetit advokues, lobues dhe mbikqyrës në nivel kombëtar dhe lokal për adresimin e një spektri të gjerë çështjesh dhe problematikash në vend.

Për të luajtur një rol më proaktiv në përmbushjen e funksioneve dhe roleve përmendur si më lart, organizatat jo fitimprurëse ende kanë nevojë për asistencë për zhvillimin dhe konsolidimin e tyre organizativ, ndërtimin e partneriteteve dhe zbatimin e ndërhyrjeve strategjike për të kontribuar qenësishëm në zhvillimin social dhe ekonomik të vendit.

Të dhënat statistikore të Gjykatës së Shkallës së Parë Tiranë, tregojnë për një rritje të vazhdueshme të sektorit të shoqërisë civile për nga numri i OJF-ve të regjistruara (vetëm gjatë vitit 2019 janë regjistruar 313 OJF të reja). Kuadri ligjor dhe financiar që rregullon aktivitetin e OJF-ve ka qenë subjekt i ndryshimeve dhe amendimeve të cilat kanë ndikuar në qëndrueshmërinë dhe aktivitetin e organizatave jofitimprurëse si dhe në marrëdhëniet e tyre me shtetin, ndaj njohja e tij nga ana e sektorit mbetet prioritet për të mundësuar një veprimtari efçente.

Akademia e OJF-ve do të:

- Shërbejë si hapësirë e edukimit jo-formal për të përforcuar aftësitë dhe zhvilluar kompetencat e drejtuesve të OJF-ve;
- Rrisë profesionalizmin e këtyre drejtuesve nëpërmjet një kurrkule unike, metodave më bashkëkohore të të nxëniet si dhe përvojës profesionale shumëdimensionale;
- Krijojë breza drejtuesish profesionistë dhe të angazhuar, që do të jenë aktorë të ndryshimit dhe kontribues në zhvillimin e shoqërisë Shqiptare.

Akademia e OJF-ve do të zhvillohet në periudhën shkurt-nëntor 2021 dhe do të konsistojë në:

- ✓ **11 leksione;**
- ✓ **përgatitjen dhe prezantimin e detyrave të ndryshme** si: krijimi/ rishikimi i politikave dhe procedurave të brendshme, formateve të raportimit financiar, formateve të projekt propozimeve, planeve për sigurimin e fondeve, mjetet e komunikimit etj.
- ✓ **seanca asistence dhe mentorimi** të hartuara sipas nevojave të pjesëmarrësve më qëllim maksimizimin e nxënies dhe përshtatjes së praktikave të mësuara me nevojat e organizatave.
- ✓ **krijimit të grupeve mbështetëse** (peer coaching) me Alumni të Akademisë - takime të rregullta joformale për të mësuar nga eksperiencia të tyre dhe krijuar mundësi për bashkëpunim midis OJF-ve
- ✓ **pjesëmarrje në vizita studimore** pranë organizatave të shoqërisë civile, komunitetit të donatorëve, sektorit publik dhe privat me qëllim prezantimin e rasteve të praktikave të sukseshme sipas tematikave, ndarjen e eksperiencave dhe modeleve të bashkëpunimit OJF-shtet, OJF-sektori privat, të proceseve me pjesëmarrje, crowd sourcing, ngritjes së fondeve, etj.

Aplikimi

Akademia është e hapur për drejtues të OJF-ve shqiptare në pozicionet: Drejtor Ekzekutiv, Manaxher Programi dhe Kryetar Bordi/Kryesie, të cilët synojnë rritjen e aftësive dhe zhvillimin e tyre profesional në këtë sektor për të ndërtuar organizata efektive në shërbim të publikut dhe grupeve të interesit.

Kandidatët e interesuar për Akademinë e OJF-ve 2021 janë të ftuar të aplikojnë duke plotësuar [Formën e Aplikimit](#).

Afati i fundit për dorëzimin e formës së aplikimit është **8 shkurt 2021** ora **17.00**.

Kriteret dhe procesi i përzgjedhjes!

Akademia do të mundësojë pjesëmarrjen e përfaqësuesve të sektorit me një shpërndarje të gjerë gjeografike dhe përfaqësim divers nënsektorial.

25 pjesëmarrës do të përzgjidhen për Akademinë e OJF-ve, 2021.

Përdorimi i literaturës, rasteve studimore dhe pjesëmarrja në vizitat studimore do të kërkojnë nivel të mirë njohjeje dhe përdorimi të gjuhës angleze.

Kriteret

Kandidatët do të përzgjidhen bazuar në:

- Motivimin për ndjekjen e Akademisë.
- Lidhjen ndërmjet rritjes individuale profesionale dhe zhvillimit të organizatës që drejton
- Angazhimin për të ndjekur të plotë programin e Akademisë dhe kryerjen e të gjitha aktiviteteve si pjesë e tij.
- Njohjen dhe përdorimin e gjuhës Angleze.

Procesi

- Të gjithë të interesuarit duhet të plotësojnë dhe dorëzojnë brenda datës 8 shkurt 2021 formën e aplikimit.
- Kandidatët e përzgjedhur do të njoftohen brenda datës 15 shkurt 2021. Vetëm aplikantët e përzgjedhur do të kontaktohen.

Programi

Periudha	Sesionet
25 shkurt 2021	1. Hapja e Akademisë - Tendencat e zhvillimit të sektorit të shoqërisë civile dhe kuadri ligjor për sektorin e OJF-ve.
12 mars 2021	2. Zhvillimi organizativ dhe qeverisja organizative. Manaxhimi i burimeve njerëzore dhe procedurat e brendshme.
2 prill 2021	3. Anëtarësimi në Bashkimin Evropian dhe roli i OJF-ve në këtë proces.
30 prill 2021	4. Manaxhimi financiar: Buxhetimi dhe kontabiliteti; Detyrimet dhe raportimet në shtet.
21 maj 2021	5. Sigurimi i mbështetjes financiare përmes granteve. Shkrimi i projekt-propozimeve dhe manaxhimi i projekteve, grantet e BE-së.
11 qershor 2021	6. Planifikimi strategjik.
7 korrik 2021	7. Komunikimi strategjik i OJF-ve.
shtator 2021	8. Mobilizimi i mbështetësve. Krijimi i rrjeteve dhe koalicioneve. 9. Sigurimi i mbështetjes publike dhe puna me sektorin privat. Ngritja e fondeve dhe filantropia.
tetor 2021	10. Qeverisja me pjesëmarrje.
nëntor 2021	11. Advokasia dhe lobimi.
korrik- nëntor 2021	* Vizita studimore * Ceremonia e diplomimit. * Testimi

Për më tepër informacion, luteni të kontaktoni
Znj. Xhoana Zeqo, Koordinatorë e Qendrës Kombëtare Burimore për Shoqërinë Civile në Shqipëri,
në info@resourcecentre.al

Shënim: POLITIKA JODISKRIMINUESE E PRANIMEVE NE AKADEMI

Në përzgjedhjen e pjesëmarrësve Partnerët Shqipëri do të udhëhiqet nga parimi i mosdiskriminimit mbi baza gjinore, fetare, etnie apo orientimi seksual.

Qendra Kombëtare Burimore për Shoqërinë Civile në Shqipëri zbatohet në partneritet me Qendrën Shqiptare për Popullsinë dhe Zhvillimin dhe Lëvizjen Evropiane në Shqipëri .